

Ա Ր Չ Ա Ն Ա Գ Ր ՈՒ Թ Յ ՈՒ Ն ԹԻՎ 55/03

ք. Երևան, Արշակունյաց 5.417 սենյակ

04.12.2019թ. ժամը 17:15

Համաձայն 22.11.2019թ-ին, քաղաքացի Ալեքսանդր Աբրահամյանի ներկայացուցիչ՝ Անի Համբարձումյանից «ՄԳԿԿ» ԻԿԿ-ում ստացված դիմում-բողոքի հետագա ընթացքը ապահովելու նպատակով, քաղաքացի Սամվել Բաբայանի սնանկության գործով կառավարիչ՝ Հարութ Ղարիբյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում արժաժված հանգամանքների վերաբերյալ պարզաբանումներ ստանալու համար՝ ս/թ-ի **Դեկտեմբերի 04-ին, 17-00-ին**՝ ք.Երևան, Արշակունյաց 5 հասցեում, հրավիրվել էր «ՄԳԿԿ» ԻԿԿ Կարգապահական հանձնաժողովի նիստը: «ՄԳԿԿ» ԻԿԿ Կարգապահական հանձնաժողովի նիստին.

ԾԱՆՈՑՎԱԾ ԷԻՆ՝

- Հանձնաժողովի անդամ՝ Հարություն Գևորգյանը
- Հանձնաժողովի անդամ՝ Արմենակ Ադամյանը
- Հանձնաժողովի անդամ՝ Ռուբեն Խալաթյանը
- Հանձնաժողովի անդամ՝ Արմինե Մովսիսյանը

Դիմումատու՝ քաղաքացի Ալեքսանդր Աբրահամյանի ներկայացուցիչ՝ Անի Համբարձումյանը
Քաղաքացի Սամվել Բաբայանի սնանկության գործով կառավարիչ՝ Հարութ Ղարիբյանը

ՄԱՍՆԱԿՑԵՑԻՆ՝

- Հանձնաժողովի Նախագահ՝ Տիգրան Հարությունյանը
- Հանձնաժողովի անդամ՝ Ռուբեն Խալաթյանը
- Հանձնաժողովի անդամ՝ Արմենակ Ադամյանը
- Հանձնաժողովի անդամ՝ Արմինե Մովսիսյանը

Դիմումատու՝ քաղաքացի Ալեքսանդր Աբրահամյանի ներկայացուցիչ՝ Անի Համբարձումյանը
Քաղաքացի Սամվել Բաբայանի սնանկության գործով կառավարիչ՝ Հարութ Ղարիբյանը

ՕՐԱԿԱՐԿՈՒՄ

1.22.11.2019թ-ին, քաղաքացի Ալեքսանդր Աբրահամյանի ներկայացուցիչ՝ Անի Համբարձումյանից «ՄԳԿԿ» ԻԿԿ-ում ստացված դիմում-բողոքի հետագա ընթացքը ապահովելու նպատակով, քաղաքացի Սամվել Բաբայանի սնանկության գործով կառավարիչ՝ Հարութ Ղարիբյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման, բողոքում նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

ԼՍԵՑԻՆ-Կարգապահական Հանձնաժողովի նախագահ Տիգրան Հարությունյանը բացեց նիստը և ստուգեց մասնակիցների ինքնությունը: Համաձայն կարգի դիմում բողոքը հակիրճ ներկայացնելու համար ձայն տվեց ներկա դիմումատու քաղաքացի Ալեքսանդր Աբրահամյանի ներկայացուցիչ՝ Անի Համբարձումյանին, ով ներկայացրեց նիստի մասնակիցներին դիմում բողոքի էությունը և գործի վերաբերյալ անհրաժեշտ փաստաթղթերը: Մասնավորապես դիմումատուն նշեց որ ինքը հանդիսանալով պարտատեր Ալեքսանդր Աբրահամյանի ներկայացուցիչ՝ գտնում եմ որ 16.05.2016թ-ի ԵԿԴ/0111/04/15 վճռով սնանկ ճանաչված Սամվել Բաբայանի սնանկության վարույթով 05.08.2016թ-ին սնանկության գործով

կառավարիչ նշանակված Հարութ Ղարիբյանը իր լիազորությունները պատշաճ չի իրականացրել, մասնավորապես պարտապանի գույքը սահմանված ժամկետում չի գույքագրել, սահմանված կարգով չի պահպանել և ժամանակահիմ չի իրականացրել անշարժ գույքի իրացման/վաճառքի/ վերաբերյալ գործողություններ:

Դիմումատուն մասնավորեցրեց նաև ավտոմեքենայի գույքագրման և պահպանման աշխատանքների իր կարծիքով թերությունները, որի արդյունքում ավտոմեքենան այժմ չի հայտաբերվում և չի իրացվում:

Դիմումատուն հանձնաժողովին ներկայացրեց կառավարչին ուղղված գրությունների լուսապատճենները:

Հանձնաժողովի անդամները հարցեր ուղղեցին դիմումատույին և ստացան պատասխաններ:

Հանձնաժողովի նախագահն կանոնակարգի համաձայն իր դիրքորոշումը և բացատրություններ ներկայացնելու համար ձայնի իրավունք տվեց՝ քաղաքացի Սամվել Բաբայանի սնանկության գործով կառավարիչ՝ Հարութ Ղարիբյանին, ով ներկայացրեց հանձնաժողովին բանավոր բացատրություն առ այն որ սնանկելով կառավարչի պարտականությունները փորձել է հայտնաբերել, գույքագրել, գնահատել և իրացնել պարտապանին սեփականության իրավունքով գույքը, որի ընթացքում հայտնաբերվել է անշարժ գույք ԼՂՀ, ք. Ստեփանակերտում և տրանսպորտային միջոց՝ Մերսեդես մակնիշի:

Հայտնաբերված գույքի գույքագրման համար 27.03.2017թ-ին ծանուցումներով 14.04.2017թ-ին նշանակվել է գույքագրում, որի վերաբերյալ տեղեկացվել է նաև պարտատիրոջը: Նշանակված օրը ք. Երևան, Նալբանդյան փող. 21շ. 3բն. պարտապանի հաշվառման հասցեյում մեքենան չի հայտնաբերվել, իսկ պարտապանի կնոջ հայտարարությամբ ավտոմեքենան առգրավվել է ԱԱԾ-ի կոմից: Անշարժ գույքի գույքագրման նպատակով արդեն 15.04.2017թ-ին մեկնել են ԼՂՀ և այցելել են ք. Ստեփանակերտ, Մամիկոնյաց փող. 19շ. 10բն.: Գույքագրում հնարավոր չի եղել իրականացնել քանի որ բնակարանի դուռը փակ է եղել և բնակարան մուտք գործել հնարավոր չի եղել: Համաձայն կնոջ հայտարարության 25.04.2017թ-ին դիմել են ՀՀ ԿԱ ԱԱԾ և խնդրել ստեղծել հնարավորություն գույքագրելու ավտոմեքենան և քննչական գործողությունների ավարտից հետո ավտոմեքենան ի պահ հանձնել իրեն:

Դիմումատույի կողմից ներկայացված փաստաթղթերում առկա է ԱԱԾ-ի պատասխանը, որ ավտոմեքենան դեռ 25.03.2017թ-ին ի պահ է հանձնվել Անդրանիկ Բաբայանին: Այսինքն այն փաստը որ կառավարիչը միջոցներ ձեռք չի առել մեքենան հայտնաբերելու կամ գույքագրելու իրականություն չեն, բացի դրանից նույն մեքենայի հայտնաբերման և առգրավման վերաբերյալ կատարվել և կատարվում են հսկայաժամակ աշխատանքներ ԴԱՀԿԾ-ի և Քննչական մարմինների միջոցով. որի վերաբերյալ իր կողմից ներկայացվում է հանձնաժողովին համապատասխան փաստաթղթեր:

Հանձնաժողովի անդամ Ա. Ադամյանը հարց ուղղեց կառավարչին գույքագրման, գնահատման և իրացման ժամկետների ձգձգման վերաբերյալ:

Կառավարիչ Հ. Ղարիբյանը պատասխանեց, որ գույքագրման, գնահատման և իրացման միջոցառումների ժամկետների ձգձգվելը ունեն իրենց օբեկտիվ պատճառները, քանի որ անշարժ գույքը գտնվում է ԼՂՀ-ում և կան դժվարություններ հեռավորություն հետ կապված հարցերի լուծումների հետ և ինքը երկու անգամ մեկնել է ԼՂՀ գույքագրման նպատակով բայց բնակարանի դուռը փակ է եղել, քանի որ նրա սեփականատերերը գտնվում էին Երևանում և իր հետ չէին համագործակցում գույքի գույքագրման համար: Նույն խոչնդետները դժվարեցրել են նաև գույքի գնահատման աշխատանքների իրականացմանը, բացի դրանից կար և այժմ էլ կա իրավական խնդիր, քանի որ պարտապանի կինը վիճարկում է գույքերի սեփականության իրավունքը և այդ գույքերը այս օր էլ դեռ վիճելի առարկաներ են:

Հանձնաժողովի անդամ Ռ. Խալաթյանը հարց ուղղեց կառավարչին թե ինչ պատճառով պատշաճ չի իրականացվել տրանսպորտային միջոցի պահպանությունը:

Կառավարիչը պատասխանեց, որ տրանսպորտային միջոցը երբեք էլ իրեն պահպանության չի հանձնվել և մինչ օրս էլ նրա գտնվելու տեղը անհայտ է, ուստի ինքը պահպանություն չի իրականացրել ընդհանրապես և բնականաբար չէր կարող այն իրականացնել ոչ պատշաճ:

Կառավարիչը հանձնաժողովի ներկայացրեց ՀՀ Սնանկության դատարանի 25.11.2019թ-ի որոշումը, ըստ որի ինքը ազատվել է քննարկվող վարույթի սնանկության գործով կառավարչի պաշտոնից և այլևս այդ վարույթում սնանկության գործով կառավարիչ չի հանդիսանում:

Հանձնաժողովի նախագահ՝ Տ.Հարությունյանը հայտնեց այն կարծիքը, որ կառավարչի կողմից կատարվել են «Սնանկության մասին» ՀՀ օրենքի 29-րդ, 56-րդ, 76-րդ հոդվածներով նախատեսված ընթացակարգերը և նրա գործողությունները միտված են պահանջների բավարարման համար անհրաժեշտ միջոցների հայթայթմանը և կիրառմանը:

Հանձնաժողովի նախագահը նշեց նաև, որ դիմում միակ փաստական հանգամանքը, որ առկա է՝ դա ժամկետների ձգձգման հանգամանքն է, որը ինչպես կառավարիչը նշեց ունի իր օրեկտիվ պատճառաբանությունները:

Հանձնաժողովի նախագահը խնդրեց անդամներին գնահատել ներկայացված փաստական հանգամանքները, որի շրջանակներում հանձնաժողովի անդամ՝ Ռ.Խալաթյանը հայտնեց այն կարծիքը, որ դիմում նշված փաստական հանգամանքները հիմնականում վերաբերվում են, որ կառավարչի անգործությանը և դիմումը կարդալով ստանում ես այն տպավորությունը, որ պարտատիրոջ ներկայացուցիչը իրեն վարձողին հաշվետվություն է տալիս կատարած աշխատանքների վերաբերյալ և այդ ընթացքում ամեն անգամ շեշտելով, որ իրենք կատարեցին՝ կառավարիչը չկատարեց, իրենք հայտնեցին՝ կառավարչի չիրագործեց և այդպես շարունակ:

Այդ կապակցությամբ պետք է նշել որ պարտատերերը սնանկության վարույթի լիարժեք և շահագրգիռ մասնակիցներ են ըստ օրենքի և նրանց կողմից նույնպես ինչպես կանոն ձեռնարկվում է պահանջի բավարարմանը ուղղված տարբեր միջոցներ և այդ ընթացքում ձեռք բերված տեղեկատվությունը օգտագործվում են վարույթի ընթացքում և կառավարչի կողմից և դատարանի կողմից և շատ դեպքերում լրացուցիչ նույն միջոցառումների իրականացման կարիք չի լինում և դա ինչպես կանոն դիտվում է որպես համագործակցում այլ ոչ թե որևէ մեկ կողմին անգործության մեջ մեղադրելու հիմք կամ հիմնավորում: Տվյալ դեպքում կառավարչի կողմից օգտագործվել է բազմաբնույթ տեղեկատվություն և կատարվել է մեծ աշխատանք, բայց մինչ օրս այդ աշխատանքները դրական արդյունքներ դեռ չեն տվել, որի բացակայությունն էլ պարտատիրոջը դրդել է այս դիմում-բողոքի իրականացմանը:

Հանձնաժողովի անդամը հայտնեց, որ իր կարծիքով կառավարչի գործողությունները բխել են օրենքից և իրենց մեջ կարգապահական խախտումներ չեն պարունակում և առաջարկեց կարգապահական վարույթը կարճել կառավարչի մեղքի բացակայության պատճառաբանությամբ:

Հանձնաժողովի նախագահ՝ Տ.Հարությունյանը նշեց, որ ուսումնասիրելով դիմումը և ներկայացված փաստաթղթերը ակնհայտ է, որ ժամկետների ձգձգումը հիմնականում կապված են պարտատվանի գործողությունների հետ, որը փորձում է ձգելով ժամանակ, ընթացքում մարել իր պարտավորությունները, որը և մասնակի իրականացրել է՝ մարելով բոլոր պարտավորությունները բացի դիմումատույի հանդեպ պարտավորություններից:

Հանձնաժողովի անդամ Ա.Մովսիսյանը հայտնեց այն կարծիքը, որ տվյալ գործը ունի նաև այլ կողմ, որը իր հետ բերում նաև դժվարություններ, դա այն է, որ պարտատվանը հանդիսանում է ազգային հերոս և հանրահայտ անձ է, իսկ նրա կամ նրա հետ կապված գործողությունները իրենց մեջ պարունակում են յուրօրինակ կաշկանդվածություն, որը կարող էր ազդել վարույթի ընթացքում որոշակի գործողությունների իրականացման ժամկետների վրա և իր կարծիքով նաև պատճառ է կառավարչի կողմից այս գործից հրաժարվելու համար:

Հանձնաժողովի անդամը նույնպես հայտնեց, որ իր կարծիքով կառավարչի գործողությունները բխել են օրենքից և իրենց մեջ կարգապահական խախտումներ չեն պարունակում իսկ ժամկետների ձգձգումների վերաբերյալ առաջարկեց ընդունել կառավարչի բերած օրեկտիվ պատճառաբանությունները և կարգապահական վարույթը կարճել կառավարչի մեղքի բացակայության պատճառաբանությամբ:

Հանձնաժողովի անդամները քննարկեցին դիմումում նշված հանգամանքները ուսումնասիրեցին ներկայացված փաստաթղթերը և առարկությունները, տվեցին և ստացան համապատասխան հարցեր և արդյունքում քվերկեցին:

ՔՎԵԱՐԿՈՒԹՅՈՒՆ՝

Կողմ - 4

Դեմ - 0

Չեռնալահ - 0

ԵԶՐԱԿԱՑՈՒԹՅՈՒՆ՝

1. 22.11.2019թ-ին, քաղաքացի Ալեքսանդր Արրահամյանի ներկայացուցիչ՝ Անի Համբարձումյանից «ՄԳԿԿ» ԻԿԿ-ում՝ ստացված դիմում-բողոքի հետագա ընթացքը ապահովելու, քաղաքացի Մամվել Բաբայանի սնանկության գործով կառավարիչ՝ Հարութ Ղարիբյանի գործողությունները /անգործություն/ օրենքին և կանոնակարգերին համապատասխանության վերաբերյալ հարուցված վարույթի արդյունքներով՝ հաշվի առնելով ՀՀ Սնանկության Դատարանի 25.11.2019թ-ի ԵԿԴ/0111/04/15 որոշմամբ սնանկության գործով կառավարչի այդ պաշտոնից ազատվելու փաստը, սնանկության գործով կառավարչի վարքագծի վերաբերյալ հարուցված կարգապահական վարույթը կարող է կարճվել «Սնանկության գործով կառավարիչների մասնագիտական վարքագծի էթիկայի» կանոնների խախտման դեպքի /մեղքի/ բացակայության պատճառաբանությամբ:

2. Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ.Հարությունյան

Հանձնաժողովի անդամ՝ Ա.Ադամյան

Հանձնաժողովի անդամ՝ Ռ.Խալաթյան

Հանձնաժողովի անդամ՝ Ա.Մովսիսյան

